

landshöfðingjans, að þjer hafid sett Þ. Jónsson til þess á eigin ábyrgð að gegna Árnessýslu, þangað til Stefán Bjarnarson tæki við henni, og að honum var heitið öllum launum þeim, er embættinu fylgja, til endurgjalds fyrir það, að eptirlaununum fráðregnum, þá ber að reikna borgunina á sama hátt fyrir hið umrædda tímabil, eins og fyrir hinn hluta tíma þess, er hann var settur, og samkvæmt því mun Þorsteini Jónssyni, sem frá 1. maí f. á. hefir notið eptirlauna sinna, bera mismunurinn, sem er á eptirlaununum og embættislaununum, en hann er á tímabilinu frá 1. maí til 24. júní f. á. að upphæð 110 kr. 8 a. og ber Stefáni sýslumanni Bjarnarsyni að greiða þá upphæð, þó þannig, að hann fyrir þessa upphæð, með því hann gegndi embættinu í Ísafjarðarsýslu í maímánuði, á aðgang til endurgjalds að Fensmark sýslumanni, sem var veitt þetta embætti 16. apríl f. á., svo framarlega sem hann ekki þegar hefir fengið það endurgoldið hjá nefndum embættismanni, eða þeir hafi öðruvísi um samið sín á milli.

**131**  
26. ágúst.

— *Brjef ráðgjafans fyrir Ísland til landshöfðingja um laxveiðina í Elliða-*  
ám. — Í brjefi til ráðgjafans 28. f. m., sem yður, herra landshöfðingi, hefir verið sent eptirrit eptir, hefir H. Th. Thomsen kaupmaður í Reykjavík skýrt frá því, að nóttina milli 5. og 6. f. m. hafi enn að nýju verið farið með ofbeldi að laxakistum hans í Elliðaánum, og í þetta sinn með þeim atvikum, sem gefi honum ástæðu til að ætla, að hjer búi og þjófnaður undir, og í annan stað hefir hann borið sig upp undan því, að hlutaðeigandi valdsmaður hvorki hafi verið fær um að komast eptir, hverjir þeir menn hafi verið, sem nóttina milli 24. og 25. júní f. á. hafi grimuklæddir skemmt tjæða eign hans, nje að koma því upp, hverjir hafi unnið hervirki þau, er hjer ræðir um.

**132**  
26. ágúst.

Út af þessu lætur ráðgjafinn ekki dragast að taka fram, að eins og það, þegar á allt er lítið, er skylda yfirvaldsins að liðsinna landsbúum, til þess að varðveita eignir þeirra fyrir ómildum árásum, þannig er það nauðsynlegt, hvað þetta athæfi snertir, að hjer sje gripið til skjótra og góðra ráða, þar sem um svo opt ítrekaðar ofbeldis árásir á eign Thomsens kaupmanns er að ræða, svo að sökudólgurinn verði dreginn fyrir dóm og lög og að komið verði í veg fyrir viðlíkar árásir eptirleiðis. Ráðgjafinn vill því þjónustusamlega veita yður herra landshöfðingi vald til, svo framarlega sem þjer eptir þeim ástæðum, sem nú eru fyrir hendi, kynnuð að finna það hagkvæmt, að gefa með skírskotun til brjefs þessa, einhverjum manni, sem þar til væri vel fallinn, konungsumboð, að mandatum, til með rjettarhöldum bæði í lögsagnarumdæmi Gullbringu- og Kjósarsýslu og fyrir utan það, og með sama valdi og reglulegir rannsóknardómendur hafa, að takast á hendur rannsókn og útvega nauðsynlegar skýringar með tilliti til þeirra ofbeldisárása, sem síðan að viðaukalög við Jónsbókar landsleigubálks 56. kapitula komu út, hafa verið gjörðar á veiðivjellar þær, er Thomsen kaupmaður á og notar til laxveiða í Elliðaánum, að svo miklu leyti, sem ekki hefir gengið fullnaðardómur í hjeraði um þessar árásir. Þegar rannsóknnum þessum er lokið, býst ráðgjafinn við að fá eptirrit eptir því, sem farið hefir fram í málinu.

Í tilefni af bænarskrá þeirri frá 4 hreppsnefndarmönnum í Seltjarnarneshrepp, sem hingað var send með þóknanlegu brjefi yðar, herra landshöfðingi, frá 29. f. m. og þar sem þess er beiðzt, að ráðgjafinn vilji skipa yfirvöldunum að hætta við rjettarhöld út af brotum þeim á laxakistunum í Elliðaánum, sem framin voru 28. júlí f. á., vil jeg í sambandi við þetta mál, sem hjer ræðir um, þjónustusamlega tjá yður til þóknanlegrar

**132** leiðbeiningar og birtingar, að ráðgjafinn finni enga ástæðu til að veita umræddri bænarskrá áheyrslu.  
26. ágúst.

**133** — *Ágrip af bræfi landshöfðingja til amtmannsins yfir suður- og vesturumdæminu*  
30. ágúst. *um hreppsnefndar kosningu.* — Eptir að það með dómsmálastjórnarbræfi frá 16. apríl 1873 hafði verið ákveðið, að hin nýju sveitarstjórnarlög skyldu fá fullt gildi vorið 1875, fóru hreppsnefndar kosningar fram í Vesturlandeyjahrepp eins og annarsstaðar vorið 1874. 3 árum eptir að hreppsnefndirnar vorið 1875 höfðu tekið til starfa, eða vorið 1878 fóru fram nýjar kosningar á meiri hluta hreppsnefndarmanna; en þegar síðast liðið vor 1880 6 ár voru liðin, síðan minni hluti hreppsnefndarinnar hafði verið kosinn, ljet oddviti hreppsnefndarinnar í Vesturlandeyjahreppi fara fram nýja kosningu á 3 hreppsnefndarmönnum. Þessa kosningu ónýtti sýslumaðurinn í Rangárvallasýslu með úrskurði frá 21. júní þ. á. og lagði fyrir, að hreppsnefndarmenn þeir, sem voru í nefndinni, áður en kosningin fór fram, ættu að halda áfram að gegna nefndarstörfum sínum þangað til vorið 1881, er 6 ár voru liðin frá vordögum 1875, er hreppsnefndirnar höfðu tekið til starfa, og staðfesti landshöfðingi þennan sýslumannsúrskurð, eptir að amtmáður s. d. (30. ágúst) hafði sent hann landshöfðingja samkvæmt 27. grein tilskipunar um sveitarstjórn frá 4. maí 1872.

**134** — *Bræfi landshöfðingja til biskups um uppbót á prestakalli.* — Samkvæmt  
31. ágúst. tillögum yðar, herra biskup, í bræfi frá í gær leggst hjer með 200 króna uppbót sú, sem í bræfi mínu frá 7. apríl þ. á. var ætluð Sandaprestakalli í Dýrafirði með því skilyrði, að það yrði veitt fyrir 31. ágúst þ. á., til Garpsdals prestakalls í Barðastrandarsýslu fyrir yfirstandandi fardagaár, og veitist biskupinum hjer með fullt vald til að setja prestinn á Stað, síra Ólaf prófast Johnsen, til að þjóna nefndu prestakalli, meðan það er prestslaust.

**135** — *Ágrip af bræfi landshöfðingja til stiptsyrirvaldanna um styrk handa barna-*  
14. sept. *skóla.* — Hreppsnefndin í Vatnsleysustrandarhreppi hafði veitt Thorchillii barnaskóla á Vatnsleysuströnd 200 kr. hvort árið um sig 1880 og 1881. Fyrir því veitti landshöfðingi tjeðum skóla 200 kr. styrk um árið 1880 af fje því, er getur um í 12. gr. C. 7. fjárlaganna.

**136** — *Skipun landshöfðingja til landfógeta um þóknun handa sálmabókar-*  
14. sept. *nefndinni.* — Biskup hafði skýrt landshöfðingja frá, að nefnd sú, er sett hafði verið til að endurskoða sálmabókina, hefði síðan seint í næstliðnum mánuði átt með sjer daglega fundi og að þeir 4 nefndarmenn, sem ekki ættu heima hjer í bænum, prófastur síra Björn Halldórsson frá Laufási og prestarnir síra Páll Jónsson frá Viðvík, síra Stefán Thorarensen frá Kálfatjörn og síra Valdimar Briem frá Hrepphólum, hefðu óskað eptir því, að sjer yrði borgaður úr almennings sjóði sá beinlínis kostnaður, er þeir hefðu haft við að sækja fundi þessa, og sem myndi hlaupa um 700 kr., en upp í þetta hefði hið íslenska biblíufjelag veitt 300 kr. Fór nú biskup þess á leit, að þær 400 kr., sem eptir yrðu, væru veittar úr landssjóði. Landshöfðingi veitti það, sem þannig hafði verið beðið um, og